

Wakita ge Zud ya àbèki ni Ere ye ti mǎdǎmki ka wakita ge Zud ya àbèki ni

Maslaṅa ya ti àbèki wakita hini ni ti àdafa slimi gayaṅ a : nani Zud wur ga mǎṅ ge Zek ni (1). Zud àdǎm ma akaḍa ga zal asak ga Yezu ya akal adǎm ni do (17) ; naṅ wur ga mǎṅ ge Zek ya àbèki wakita ge Zek ni : nday cǎeni ti bǎza ga mǎṅ ga Yezu (Meciyǎ 13.55).

Àbiki ti ana ndam ga Yezu (1), ay ti àdǎfay slimi gatay ahkay do ni slimi ga kǎsa gatay ni ndo. Àdǎm akal awayay abiki wakita ana tay ti tǎsǎr ahǎmamam Melefit àhǎṅga tay a ni, ay abiki ana tay àki ka ndam ya tawayay magosay ndam ga Yezu ni (3-4). Àdǎm ma ti akaḍa ge Piyer ya àdǎm ni (2 Piyer 2), awayay ti ndam ga Yezu tǎjikia ke divi a ba.

Ka mandav ga wakita ni Zud àzlǎbay Melefit (24-25). Ma gayaṅ ya àzlǎbay Melefit àna naṅ ni ti ma sulumani, ndam ga Yezu ðek tislíki magray tǎwi àna naṅ.

Sa ge Zud

¹ Nu Zud nǎbiki wakita hini ana kǎli, nu bay mǎgri tǎwi ana Yezu *Krist, nu wur ga mǎṅ ge Zek. Nǎgri sa ana kǎli ya ti Bǎṅ geli Melefit awayay kǎli, àzalay kǎli ti kíḡǎm ndam gayaṅ ni. Abi slimi ana kǎli ti kíḡǎm ba daya, adǎba lekǎlǎm ndam ga Yezu Krist.

2 Melefit mājənaki kəli, mājray ti *kanjəhadumkabu àna sulumani, mawayavani gayəŋ mələbu a məbəruf gekəli bu ti. Zlam nday nani dek təsagakivu kəlavaf ti.

Ndam ya ti təcəhi zlam magədavani ana mis ni

3 Zləbəba goro, nəwaya dal-dal ga məbiki wakita ana kəli ti kəsəruf ahəmamam Melefit ahəŋga leli a dek ni. Ku tamal nəwaya nahkay nəŋgu ni, nədəm ahər àdəm si nəbiki ana kəli ga məvi njəda ana kəli ti kəkədufufu ti mis təmbrəŋ *Ma Məweni Sulumani àki ka Yezu *Krist ba. Ma Məweni Sulumani gani nani ti Melefit àvi ana ndam gayəŋ ga kanjayani, àmbatvu dəy-dəy do.

4 Nədəm nahkay ti adaba ndam ya ti təsər Melefit do ni təhurkiviya ke kəli akal-akal a, təgudarkaba *sulum ge Melefit geli ya àgri ana leli na. Tədəm Melefit àvia barbaray ana leli a ga magudar zlam a. Tagray nahkay ti təmbrəŋa Bay geli Yezu Krist Bay məgur leli na. Pakama àki ka nday gani nani àvu məbəkiani a Wakita ge Melefit vu hasl-hasl : seriya aməgəs tay.

5 Nawayay nəhəŋgri eri ana pakama ya ti kəsərufum àndava ni. Pakama gani nihi : ahaslani Melefit ahəŋgabiya ndam *Izireyel a, ahələlababiya tay ka had Ezip a. Kwa tamal ahəŋga tay a àndava nəŋgu ni, kələŋ gani àbazla mis ndahəŋ e kidiŋ gatay ba, àbazl ti nday ya təkəki ahər ka nəŋ ndo ni.

6 Dəgəzlumki ahər ka *məslər ge Melefit dəy. Ndahəŋ e kidiŋ gatay bu nahəma, njəda ya Melefit àvi ana tay ni ahəci tay, təwaya àkiva, nahkay təmbrəŋbiya mələŋ ya ti Melefit àbiyu tay na. Azuhva nani ti Melefit ahəl tay, àwəl tay àna jejirbi,

àbiyu tay a mələŋ ziŋ-zinəni vu ga kaŋgay-kaŋgayani, eminjivoru ana vad ge Melefit ya ti amagrafəŋa seriya gəđakani kè mis a dek ni.

⁷ Dəgəzlumki ahàr ka kəsa *Sodom, *Gomor akaba kəsa ndahaŋ ya kà gəvay gatay ni daya. Ndam ga kəsa nday nani tàgudara zlam a daya : tàgra mesəwehva ; mandəhadkabani gatay ni ti Melefit àvi divi gani ana mis hihirikeni ndo. Nahkay Melefit àbiya tay a aku va ; aku gani nani ti àmət đay-đay do. Àgra nahkay ti awayay aziaba azay slimi ana mis a, ti tàgray ere nani va ba.

⁸ Ay ti ndam ya ti təhurkiviyu ke kəli ni nday day tagray zlam magədavani akada nani. Təjalaki ahàr ka zlam magudarani kəlavad : təjalakia ahàr a ti tagudar zlam gani àki ka ahàr gatay ededīŋ. Taməŋjaləŋ ka njəda ge Melefit ni akada zlam masakani, tindivi məslər gayan njəda-njədani ya ti e melefit bu ni daya.

⁹ Misel ti naŋ gəđakani ga məslər ge Melefit. Ku naŋ tekedī èndivi mis ndo. Ka sarta ya ti nday ata *Seteni tàgrakivu ke kisim ge Məwiz tekedī, Misel ti aŋgwaz àwərfəŋa naŋ kè mindivi Seteni a. Àhi : « Melefit mâtṛaḅ kur » cilīŋ. *

¹⁰ Ay nday gani nani təđəmki ma magədavani ka zlam ya ti təsər ndo ni ni. Tagray zlam akada ga zlam ge gili ni, təjalaki ahàr do. Zlam ya ti tagray ni zlam masakani, emijīŋ tay.

¹¹ Nahkay atasay cicihi, adaba təvia vu gatay ana zlam magudarana akada ga *Kayīŋ ya ahaslani na. Tàgra zlam magədavana ti təŋgət siŋgu akada ga

* **1:9** Pakama hini ti təđəmki ma a Wakita ge Melefit bu ndo.

*Balam ya àgrabiyu ahaslani na. Ticiiki slimi ana Melefit ndo akada ga Kore † ya ti àgrabiyu ahaslani ni, tiji daya.

¹² Ka ya ti nday təbu akaba kəli, kəzumumkabu dəf ni ti zlam magudar gatay ni abəki mimili ke kəli, adaba tənjaləŋ ana misi zum, təjalaki ahər ka vu gatay ciliŋ, təsər mimili do. Nday akada ga maklaḅasl ya atəd avər do ni, aməd apayakaba ciliŋ. Nday akada ga mənğəhaf ya ti sarta ge miwəni ènjia day tìwi bəza do ni. Akada nday məmətani àndava, nahkay Melefit àradaba tay a, təmətktivu.

¹³ Tənjəhad ka mələŋ biliŋeni do, təsawadəy sata akada ga dəluv ya ti aməd adadəy naŋ kwaŋa ni, nahkay zlam magudarani gatay ni akada ga muhunjuv ga yam ya ti kə gəvay ga dəluv, àḅəlay do ni ; abəki mimili ka tay. Nday akada ga boŋgur ya ti atəd ni, Melefit àslamatia mələŋ ziŋ-ziiŋeni ana tay a. Atanjəhadviyu eslini ga kaŋgay-kaŋgayani həya.

¹⁴ *Enok, naŋ wur huđ ga Adam ya muku, naŋ zal ya ti àsəra ere ye ti amagravu kama na, àzlapakibiya ka tay a daya, àdəmbiya : « Nədəm nahəma, Melefit naŋ əbu ara akaba məslər gayan njəlatana kay dal-dal, tàcalvu do,

¹⁵ ara agrafəŋa seriya kə mis ga duniya na dək. Aməgəs nday ya ti təwayay ma gayan do ni dək àna seriya, azuhva zlam magudarani gatay ya təgri ni dək, akaba pakama magədavani ya tədəmki ni dək. »

¹⁶ Ma ga Enok ya àdəm ni àdəmki ti ka tay eđedīŋ. Nday nani ti təzərđay ma kəlavad, tədəm ere ye ti

† 1:11 Mənjay Macalani 16.1-35.

Melefit agri ana tay ni àbèlay do ; tagray ere ye ti mæbæruv gatay awayay ni cilin, tiji zlabay, tesipet mis ga mæŋgætɸəŋa zlam kà tay a.

Zhd avi njəda ana ndam mæfəki ahàr ka Yezu

¹⁷ Lekulum zləbəba goro, nawayay kuli ; jalumki ahàr ka pakama ga ndam *asak ga Bay geli Yezu *Krist ya ti təhivabiyu ana kuli ahaslani, tədəm amagravu ni.

¹⁸ Təhivabiya ana kuli a, tədəm ahkado : « Wudaka duniya ara andav ni ti mis atara təbi seki ana kuli. Mis nday nani təsər Melefit do, tagray ere ye ti mæbæruv gatay awayay ni cilin. »

¹⁹ Nihi ti mis nday nani təbu ticirkaba ndam mæfəki ahàr ka Yezu a. Təjalaki ahàr ka zlam ga duniya, *Məsuf ge Melefit àniviyu ana tay a mæbæruv bu bi.

²⁰ Lekulum zləbəba goro, nawayay kuli ; zum njəda gekuli ti kəmælumvu, ti kânjəhadum kəlavad àna *Ma Məweni Sulumani ya kəgəsumkabu ni, kəŋgətumkivu njəda àna naŋ ti kīgum njəlata. Həŋgalum Melefit àna njəda ga Məsuf gayan kəlavad daya.

²¹ Melefit awayay kuli dal-dal : nahkay kəmbərənum mæfəki ahàr ka naŋ ba. Jəgum sulum ga Bay geli Yezu Krist ya amara mægri ana leli ni : sulum gani nani ti sifa ya àndav day-day do ni.

²² Ndam ya ti təjalaki ahàr cə cə ka ma ge Melefit ni təsi cicihi ana kuli.

²³ Mis ndahan e kidin gatay bu ni ti, tamal təmbat majalay ahàr gatay do ni ti Melefit aməgəs tay àna seriya, aməbiyu tay a aku vu. Nahkay həŋgumfəŋa tay kà aku na. Mis ndahan e kidin gatay bu ni

ti ni tâsi cicihi ana kûli daya, ay ti bumvu slimi ciliŋ, kâgudarum zlam akada gatay ni ba. Kawayum zlam magudarani gatay ni ba. Ku mâla azana ga vu gatay nəŋgu ni kinjəmfiŋ ba.

Zud azləbay Melefit

²⁴ Məgrumi səsi ana Melefit, adaba esliki majəgay kûli, ti kîjəmkia ke divi gayan a ba. Aməmbərfəŋa zlam magudarani gekûli ni kè kûli a, kigəm akada kâgudarum zlam day-day ndo, mək aməhəloru kûli ti kânjəhadum a bay gayan bu, kîpəm masladani gayan àna məmərani dal-dal.

²⁵ Məgrumi səsi ana Melefit, naŋ bəlan, naŋ Bay mahəŋgay leli, àslərbiyu Yezu *Krist Bay geli ga mahəŋgay leli. Mis dek tâzləbay naŋ, tédəm naŋ gədəkani, naŋ Bay njəda-njedani, agur mis dek ti. Naŋ àbu nahkay ka ya ti zlam dek ànjəki ni, naŋ àbu nahkay kani, amələbu nahkay ga kaŋgay-kaŋgayani.

Aya nahkay.

Ma M_hweni Sulumani ge Melefit New Testament in Muyang

copyright © 2013 Wycliffe Bible Translators, Inc.

Language: Muyang

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Muyang

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files
dated 29 Jan 2022

7fea74f6-4ba4-5a54-a7cf-a6c88fbc1968